

善本書室藏書志



善本書室藏書志卷三十五

錢塘丁丙松生甫輯

集部十四

御製文集四集三十卷

明初刊本

明太祖撰甲集文二卷乙集文三卷丙集文十四卷詩一卷丁集文十卷前有制語一篇是晚年作也版寬刻湛紙潔印精此與千頃堂書目所載四部之第一部國史經籍志所載之第二部卷數相符卽四庫提要所謂三十卷今未見傳本者是也

高皇帝御製文集二十卷

明萬曆刊本

卷一二詔卷三制誥卷四誥卷五書卷六至卷八敕卷九敕命卷十策問敕問論卷十一樂章卷十二樂歌卷十三文卷十四碑記卷十五序說卷十六雜著卷十七卷十八祭文卷十九古詩歌行卷二十五言律詩五言排律七言律詩五言絕句七言

絕句末載萬歷十年臣姚士觀謹識云右御製文集二十卷我太祖高皇帝萬幾之暇躬灑翰墨而筆之汗青者當是時操觚之士如劉基宋濂陶安王禕諸君雲集闕下而詔誥表敕以泊祀奠樂章咸御筆親裁之卽諸臣非無作者皆莫之能及也是集曩刻之維揚迺中都爲聖祖龍興之邦翳獨缺焉偶於年友沈鈇氏獲觀舊本持歸署中是用侍史染翰剜人供役冀與都人士共焉仍列洪武七年十二月甲寅臣劉基謹序於後此卽四庫著錄之本也

宋學士先生文集二十六卷

天順刊本

孫淵如藏書

明宋濂撰濂字景濂號潛溪浦江人元順帝時以薦授翰林編修入明官至翰林學士承旨兼太子贊善以孫慎獲罪安置茂州卒事蹟具明史本傳濂學古文於吳萊後又受業於柳文肅黃文獻所爲文明史稱其醇深演迤與古作者並其集元時所

刻者已有潛溪前後續別四集明洪武間又刻潛溪新集楊維禎揭泂爲序其後在翰苑所作曰翰苑集歸田所作曰芝田集各四十卷見鄭楷所爲行狀又合潛溪龍門諸集總爲一百三十卷見吳之器婺州書今諸刻皆亡矣近日競尙張潛所刻八編本據稱得景濂父子繕繕寫墨迹遂以鈇木正德以前未之有也此書爲天順間浙藩左參政莆田黃譽合潛溪前後續三集及文粹等書選擇分類得文六百餘首刊於浙中其鑒別頗能持擇景濂喜爲二氏撰述文字嚴潔刻本所載極多實爲全集之累此刻刪削淨盡讀之心目爲之一清前有魏驥序此書嘉靖三年有翻刻本有附錄二卷遠遜此本之精雅卷首有伯淵朱文方印

潛溪先生集十八卷

天順蜀刻本 黃堯圃藏書

後學弋陽黃溥澄濟選編古相羅綺尙綱校正

明宋濂撰前列宸翰一卷併金華王禕序後有附錄一卷天順元年四川提刑按察司按察使黃溥題跋黃丕烈識云此天順刻本潛溪先生集爲弋陽吾家澄濟氏所選定者各家書目俱不載唯于頃堂書目及家俞邵明史藝文志有之雖係選本實舊刻也頃往常熟同年友張子和家弔其母喪因於書肆搜得歸再展玩首至末悉排長葉亦刻書之一格并著之以識古類至是集亦爲潛溪先生諸集之一本藏書家何可輕棄耶有黃丕烈印汪上鐘讀過潘氏桐西書屋印某坡潘介繁珍藏諸印宋學士文集八編總七十五卷

明正德刊本 西泠草堂藏書

明宋濂撰凡鑾坡集十卷鑾坡後集十卷翰苑續集十卷翰苑別集十卷芝園前集十卷芝園後集十卷芝園續集十卷朝京稿五卷俱大題在上小題在下前有洪武庚戌會稽楊維禎翰苑集序又豫章揭法序又清江貝瓊序後爲正德九年太原張

潛重刊後序云初太史公手定八編凡若干首以細眼方格命
子燧繕錄精整首簡猶公手筆其本亦歸鄭氏久之流入錢塘
予購得之愛重藏襲行輒與俱因爲鐫刊有西泠草堂陳仲遵
印二印

重刊宋濂學士先生文集二十六卷附錄二卷

嘉靖刊本 怡和藏

此書卽重刻天順開黃譽刻本前有蕭山魏驥序序後有嘉靖
三年春月安至堂新刊行一條多附錄二卷有明善堂珍藏書
畫印記嘉慶庚午金華嚴大守榮刊文憲集彙張刻徐刻周刻
陳刻傳刻彭刻諸本備校而獨遺此本則無論原刻重刻傳印
之稀已可見矣

潛溪集八卷

嘉靖刊本

莊魚亭藏書

金華宋濂著

前有莆田陳旅烏傷王禕廬陵歐陽元三序及東陽胡助撰宋

氏世譜記鄭澇撰潛溪先生小傳蘭谿徐元青田苗睿會稽屠性浦江戴良蘭谿趙良恭浦江鄭澇蘭谿吳沈金華許元烏傷王禕撰畫像贊附錄柳待制黃侍講陳徵君胡博士吳山長五書後有至正十六年門人浦陽鄭煥識語嘉靖間徐中望氏嵩重刊西蜀高節爲跋有篋菴氏印汪魚亭藏閱書印篋菴豈卽全明山耶按潛溪入明之作劉誠意選定爲文粹十卷門人方孝孺鄭潛等又選續文粹十卷皆孝孺與同門劉剛林靜復瑋手自繕寫刊於義門書塾革除之後多爲禁絕今兵燹之後更無從得矣

誠意伯劉公文集二十卷

隆慶刊本 汪魚亭藏書

明劉基撰基字伯溫青田人舉進士授高安縣丞入明官至宏文館學士封誠意伯正德九年賜諡文成事蹟具明史本傳基文宏深肅括亞於潛溪詩亦沈鬱頓挫一洗元末纖穠之習所

著有邛運錄一卷覆瓿集十四卷郁離子四卷寫情集二卷翠
屑公集二卷春秋明經二卷刻於永樂初年翰林學士王景爲
序嘉靖丙辰縉雲樊獻科合諸集重編爲十八卷刻於眞定卷
首列豫贊行狀碑記此隆慶六年陳烈重刻樊本前有烈自序
及何鍾序文成遺簪永樂分編之本今不可見矣即眞定刻本
藏書家亦未見著錄則讀劉集者此爲最古矣卷首鈐有汪魚
亭藏閱書朱文方印

鳳池吟稿十卷

精鈔本

明汪廣洋撰

廣洋字朝宗高郵人少從余青陽關學善篆隸工詩歌元末舉
進士寓太平明太祖渡江召爲元帥府令史出參軍事參政行
省入爲中書左丞封忠勤伯拜右丞相貶廣南行至太平賜死
蓋爲楊憲胡惟庸所牽連也宋景濂序其詩以爲絕人之資博

極羣籍從征伐則震盪超越在廊廟則莊雅尊敬王元美評其詩如胡琴羌管雖非太常樂琅琅有致朱錫鬯云忠勤詩饒清剛之氣一洗元人纖縟之態五言詩靜居北郭猶當遜之母論孟載也

陶學士文集二十卷

宏治刊本

李申著藏書

鉛山張祐校編

明陶安撰安字主敬當塗人至正初中江浙鄉試授明道書院山長明太祖渡江首率父老奉迎敷陳大業力贊攻取留置幕府歷左司郎中出知黃州降桐城令移知饒州仍改知黃州國初置翰林院首召爲學士御製門帖賜之曰國朝謀畧無雙士翰苑文章第一家洪武元年擢江西行中書省參知政事卒於官安之文名亞於宋景濂然學術深醇詞皆平正典實所著郊社宗廟典禮奏議及刑律諸牘皆不列入氣象固是不同宏治

十二年鉛山費宏序云安集甚富在元有辭達類鈔在中書有知新近稿赴武昌有江行雜詠守黃州有黃岡寓稿在桐城有鶴沙小紀總若干卷刻置太平郡齋郡守徐時中項誠之所刊當塗學論張祐校其謬次其類是總廿卷者爲祐所編次也并爲後跋前列學士事蹟一卷有養一李兆洛印申耆白事諸印

西隱文稿十卷

萬曆刊本

滑臺後學王崇之編次東萊後學劉師魯校刊

明宋訥撰訥字仲敏滑縣人元末進士授鹽山知縣洪武十三年徵國子監助教擢翰林學士文淵閣大學士遷祭酒卒正德中追謚文恪西隱集本十七卷而明史藝文志千頃堂書目所載均與此合萬厯戊寅知滑縣事劉師魯序云公集蓋上海張趨教滑時所手錄而滑先達王崇之令上海從其後得之請大名推官吳興顧爾行序之按祭酒師道尊嚴爲一代典型詩文

渾健古雅同輩推之而過元宮諸作悲涼酸楚雖庾信江南之賦無以過之若華表柱頭相語鶴稊陵江上獨歸鴻縛蘆密覆低低屋抱竹輕撐小小船野航招客買蓮子沙鳥驚人入荻花夕陽野飯烹魚釜秋水蒲帆賣蟹船斷壁野花迎客櫂壞牆津柳曬魚罾又未嘗不風神獨絕也

王忠文公文集二十四卷附繼志齋稿二卷曠齋稿一卷齊山稿一卷
萬應刊本 星清子氏藏書

鄱陽三臺劉傑編廬陵銅溪劉同校溫陵子環張維樞重選

明王禕撰禕字子允義烏人少與宋景濂同出柳待制制貫黃侍講潛之門學有淵源元季觀時政衰敝走燕都上書不報歸隱青巖山中明太祖徵爲中書省錄事進平江西頌詔修元史與宋濂同爲總裁書成拜翰林待制奉使招吐番至蘭州召還改使雲南抗節死年五十有二建文元年贈翰林學士謚文節正

統中改謚忠文子紳孫祿皆以文學世其家禕文醕樸而宏肆
具北宋之遺景濂稱其體凡三變可謂深知甘苦初著華川前
集十卷胡翰胡行簡爲序又著華川後集十卷宋濂蘇伯衡爲
序正統五年義烏丞劉傑旣請於朝易謚復合輯其集而乞賜
文貞士奇爲之序首列洪武三年正統六年詔敕此本乃萬歷
甲辰溫陵張惟樞重鋟自爲序爲傳並刻吳寬撰祠記李默撰
祠墓記而附其子國子博士王紳繼志齋文稿二卷王紳續齋
詩稿王汝齊山文稿各一卷有星渚子元仲珍藏書籍九葉傳
經一經傳舊業子子孫孫引無極諸印

翠屏集四卷

宣德刊本

門人國子博士淮南石光霽編次

明張以甯撰以甯字志道先世固始人宋南渡徙閩之古田家
翠屏山下因號翠屏山人登泰定丁卯進士歷官郡邑世亂畱

滯江淮至正中官翰林學士承旨尋拜祭酒入明復爲侍講學士三使安南以卒實洪武三年也詩則門人石光霽先爲編刊綴有小跋文則其子孟晦彙次有宋濂劉三吾陳南賓等序石光霽跋宣德三年諸孫南雄教官隆復更以安南葉續刊羊城陳璉爲後序此爲宣德間刊本

王常宗集四卷補遺一卷

宏治刊本

明王彝撰彝字常宗其先蜀人本姓陳父在元官崑山教諭遂遷嘉定自號鳩雛子洪武初以布衣召修元史史成賜金帛遣還又薦入翰林以母老乞歸後以魏觀蘇州府治上梁文事與高啟同伏法彝少孤貧讀書天台山中師事孟長文得金文安之傳其學遠有端緒所作蘇州孔子廟學碑南門記鄉飲酒碑銘文甚高潔不僅以文妖一篇詆楊廉夫爲鈔鍾矣詩如斜陽欲雨未雨別嶺歸人幾人峯凹忽見月出穉子相迎澗濱頗有

摩詰遺韻又題宋徽宗畫百合圖云偶爲美名圖百合不知南北已瓜分亦有思致舊有三近齋稿久佚此本宏治十五年吳郡都穆釐爲四卷劉子珍世居嘉定刻梓以傳附補遺穆有序同邑浦果劉廷璋竝有後序

蒲菴集六卷

正統刊本

門人曇鐸法住編次

釋來復見心撰前有廬陵歐陽元序云翰林修撰張爲案示豫章見心復公所爲文一巨帙且屬爲序靜閱數過啟沃老懷見心以敏悟之資超卓之才於禪學之暇發於文辭其敘事簡而明其造理深而奧其吐辭博而瞻其寓意幽而婉云云又洪武十二年金華宋濂序云見心之作濃麗而演迤整暇而森嚴實諸古人篇章中幾不可辨公卿大夫交譽其賢名聞九天特加褒美其徒曇鐸編類成書釐爲十卷來徵濂序云云後有正統

五年徽州府僧綱司都綱豫章雄山靖菴孫以甯重刻後序附
豫章雲峯幻庵法住詩一卷有煙霞道人一印按七修類稿載
元明清字天淵胡人也世祖朝明安之後髯長數尺仕元爲學
士元亡削髮爲僧改名來復見心而髯如故太祖召至怪而問
之曰汝不欲仕我而出家爲僧吾亦任汝然去髮留髯亦有說
乎對曰削髮無煩惱留髯表丈夫上笑而遣之後承詔賜食謝
詩有金盤蘇合來殊域及白慚無德頌陶唐等句上怒曰汝用
殊字是謂我不朱耶又言無德誦陶唐是謂朕無德雖則欲陶
唐頌我而不能耶何物奸僧輒敢大膽如此見心遂玉筋雙垂
圓寂於丹墀之下又按清教錄內刊僧徒交結胡惟庸謀反者
凡六十四人以智聰爲首宗泐來復皆智聰俱出逮問者也復
見心招辭本豐城縣西王氏子祝髮行腳至天界寺除授僧錄
司大覺義欽發鳳陽府圓通院修住洪武二十四年山西太原

府捕獲胡黨僧智聰供稱胡丞相謀舉事時隨季潭長老及復見心往來胡府見心坐凌遲死年七十三似與類稿所載不合正統刊集詎見心受刑之時才五十年而以甯後序無隻字道及殆爲尊者諱耳

密庵集八卷

舊鈔本

明謝肅撰

肅字厚功上虞人少與唐肅齊名稱會稽二肅宣城貢師秦嘗器重之慨然欲見淮張之秉鈞者上偃兵息民之策無所遇歸隱越中洪武十九年舉明經歷官福建按察司僉事風裁凜然坐事被逮太祖御文華殿親鞫肅大呼曰文華非拷掠之地陛下非同刑之官請下法司乃下獄獄吏以布囊壓死有密庵集十卷金氏文瑞樓猶藏其書年深湮沒館臣採自永樂大典釐爲八卷卽此本也仍錄金華戴良原序二篇於前

危太樸集四卷

吳志上錄本

臨川危素著

素字太樸金谿人年十五通五經大義嘗受業草廬之門甚加器重元至正二年以薦入經筵爲檢討累官禮部尙書除翰林學士承旨知制誥兼修國史元亡趨投所居報恩寺井中寺僧大梓與番陽徐彥禮力挽之曰公不食祿四年矣今必死如國史何入明太祖訪以元興亡之故甚見禮重俾侍禁林宋穆陵顱骨爲楊璉真卿所發後入宣政院番僧傳爲飲器素言於上索取瘞之聚寶山又移葬會稽後謫佃和州有文集五十卷宋元史若干卷皆失傳嘉靖間歸氏有光得其手稿皆元時所作者遂傳錄於世此本賦三贊一銘二頌三記五十有二序七十有九共一百四十篇較之王白田雜著所記數增三篇又多哀詞一詩二十首前有宋濂所撰墓碑銘有州來氏藏書記吳允